



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

31.01.2025

94-tm-son

### **Talabaga hayfsan e'lon qilish to'g'risida**

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, universitetning sirtqi ta'lim shakli bo'yicha ayrim talabalari tomonidan o'quv intizomi, Odob-axloq kodeksi va ichki tartib-qoidalarini buzish holatlari aniqlandi.

Xususan, 4-kurs V potok 1-guruh talabasi Ne'matov Asilbek Inoyatulla o'g'li belgilangan talablarga zid ravishda universitet hududida tamaki mahsulotlarini iste'mol qilganligi aniqlandi aniqlandi va holat yuzasidan tushuntirish xati olinganda o'z tasdig'ini topdi. Bundan tashqari, 2-kurs rus A potok 2-guruh talabasi Karimjonova E'zoza Sotivoldi qizi Ekologiya huquqi fanidan yakuniy nazorat imtihoni vaqtida telefon va quloqchindan foydalangan holda akademik halollik qoidalarini buzganligi aniqlandi va holat yuzasidan tushuntirish xati olinganda o'z tasdig'ini topdi. Shuningdek, 3-kurs G potok 3-guruh talabasi Ikromova Muqaddas Uralovna Oila va meros huquqi fanidan yakuniy nazorat imtihoniga kirish jarayonida Xususiy huquq fakulteti tyutori I.Mahmarahimov bilan o'zaro munosabatlarda hurmatsizlikka yo'l qo'yganligi aniqlandi va holat yuzasidan tushuntirish xati olinganda o'z tasdig'ini topdi.

Yuqoridagilarga ko'ra:

Ne'matov Asilbek Inoyatulla o'g'li Toshkent davlat yuridik universiteti Odob-axloq kodeksi 17-moddasining to'rtinchi (giyohvand moddalar, psixotrop, sintetik vositalar va ularning analoglari, alkogol va tamaki mahsulotlari, vayp, chilim, elektron sigaretlar va sarxush qiluvchi boshqa vosita hamda moddalarni iste'mol qilish va tarqatish) va o'ninchi (Universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish) xatboshilarida;

Karimjonova E'zoza Sotivoldi qizi Toshkent davlat yuridik universiteti Odob-axloq kodeksi 8-moddasi (Xodim, talaba va doktorantlar o'z xizmat va o'qish faoliyatlarini amalga oshirishda adolatli, halol va xolis bo'lishlari hamda Universitetga, unga tegishli bo'lgan saytlar va ijtimoiy tarmoqlarga murojaat qilgan barcha yuridik va jismoniy shaxslarga nisbatan ushbu prinsip talablari asosida munosabatda bo'lishlari shart), 21-moddasining uchinchi (Talabalarga uyali aloqa vositalaridan foydalanishga zarur va uzrli holatlarda pedagog xodimning ruxsati bilangina ruxsat etilishi mumkin) va 27-moddasining to'rtinchi (yozma ishlarni himoya qilish va reyting nazoratiga doir tartib-qoidani bajarish vaqtida chetdan yordam olmaslik, o'zgalarga yordam ko'rsatmaslikka) xatboshilarida;

Ikromova Muqaddas Uralovna Toshkent davlat yuridik universiteti Odob-axloq kodeksi 15-moddasi o'ninchi (o'z harakatlari bilan Universitet imijini saqlash va oshirish, Universitet, uning xodimlari, talabalari va doktorantlari nomi va manfaatlariga asossiz ravishda ziyon yetkazadigan harakatlarni amalga oshirmaslik, shuningdek, ular bilan muloqot qilganda hamda jamoat oldida, ommaviy axborot vositalari, Internet, ijtimoiy tarmoq va messenjerlardagi chiqish va yozishmalarida o'zlarining namunali xulq-atvori bilan Universitet haqida yuksak ijobiy taassurot uyg'otish), 24-moddasining uchinchi (Talaba ta'lim-tarbiya jarayonida tegishli dekanat mas'ul xodimlarining bergan qonuniy topshiriq va ko'rsatmalarini bajarishi shart), 26-moddasining o'ttiz birinchi (shaxsiy avtomobilni taqiqlangan joyda qoldirmaslik, yo'l harakati qoidalarini buzmaslik va mensimaslikka (beparvo bo'lish), shuningdek transport vositalaridan foydalanishda xavf-xatar yaratmaslikka majbur) xatboshilarida belgilangan qoidalarni buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003 yil 22 fevral), universitet rektorining 2023-yil 31-maydagi 81-um-son buyrug'i bilan tasdiqlangan yangi tahrirdagi Toshkent davlat yuridik universitetining Ichki tartib qoidalari va Odob-axloq kodeksi tegishli moddalarini buzganligi hamda Magistratura va sirtqi ta'lim fakulteti dekanining taqdimnomasiga muvofiq,

### **BUYURAMAN:**

#### **1. Quyidagilar:**

Karimjonova E'zoza Sotivoldi qizi – sirtqi ta'lim shakli 2-kurs rus A potok 2-guruh (ta'lim tili – rus);

Ikromova Muqaddas Uralovna – sirtqi ta'lim shakli 3-kurs G potok 3-guruh (ta'lim tili – o'zbek);

Ne'matov Asilbek Inoyatulla o'g'li – sirtqi ta'lim shakli 4-kurs V potok 1-guruh (ta'lim tili – o'zbek) talabalariga universitet Odob-axloq kodeksining

tegishli normalarini buzganligi uchun hayfsan e'lon qilinsin.

2. Magistratura va sirtqi ta'lim fakulteti dekani A.Babadjanov:

ushbu buyruq bilan talabalarni tanishtirsin;

talabalarining shaxsiy hujjatlar yig'majildiga buyruq nusxasi tikilishini ta'minlasin.

3. Mazkur buyruq ijrosining nazoratini o'z zimmamda qoldiraman.

**Rektor v.v.b.**



**I.RUSTAMBEKOV**

Toshkent shahar

### **Kiritildi:**

Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

A.BABADJANOV



### **Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Boshqarma boshlig'i

S.BOZAROV



Katta yuriskonsult

A.TURSUNOV

